



**ENTI RREGULLATOR I ENERGJISË
BORDI**

VENDIM

Nr. 36, Datë 04.03.2019

MBI

**NJË NDRYSHIM NË VENDIMIN E BORDIT TË ERE NR. 187 DATË 10.11.2017, I
NDRYSHUAR ME VENDIMIN ME Nr. 261, Datë 19.12.2018, “PËR LICENCIMIN E
SHOQËRISË ALBGAZ SHA NË AKTIVITETIN E SHPËRNDARJES SË GAZIT
NATYROR”**

Në mbështetje të nenit 16 të Ligjit nr. 43/2015, “Për Sektorin e Energjisë Elektrike”, i ndryshuar; nenit 4, pika 50; nenit 22, pika 2, gërmat “a” dhe “b”, të Ligjit Nr. 102/2015, “Për Sektorin e Gazit Natyror”, i ndryshuar; nenit 113 pika 3, të Ligjit Nr. 44/2015, “Kodi i Procedurave Administrative”; VKM nr. 848, datë 07.12.2016, “Për Krijimin e Shoqërisë Albgaz sh.a dhe për Caktimin e Autoritetit Publik që përfaqëson Shtetin si Pronar të Aksioneve të shoqërisë Albpetrol sh.a dhe Albgaz sh.a”, nenit 4, pika 1, gërmat “a” dhe “b”; nenit 15 të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.06.2016, Bordi i ERE, në mbledhjen e tij të datës 04.03.2019, mbasi shqyrtoi relacionin e përgatitur nga Drejtoritë Teknike për një ndryshim në vendimin e Bordit të ERE nr. 187, datë 10.11.2017, “Për licencimin e shoqërisë Albgaz sha në aktivitetin e shpërndarjes së gazit natyror” të ndryshuar,

Konstatoi se:

- Bordi i ERE me vendimin nr. 187, datë 10.11.2017, ka vendosur “Për licencimin e shoqërisë Albgaz sha në veprimtarinë e shpërndarjes së gazit natyror”, të ndryshuar me Vendimin nr. 261, datë 19.12.2018.
- ERE me shkresën nr. 188 Prot., datë 26.02.2019, ka risjellë në vëmendje të “Albgaz” sh.a se afati i shtyrjes së plotësimit të dokumentacionit të munguar përfundon në datën 04.03.2019 dhe se mosplotësimi i tij, përbën shkak për rishikimin e vendimit nga ana e Bordit të ERE-s.
- Shoqëria “Albgaz” sh.a i është drejtuar ERE-s me shkresën nr. 22 Prot., datë 27.02.2019 (protokolluar në ERE me nr. 196, datë 28.02.2019), me anë të së cilës ka kërkuar shtyrjen e afatit të dërgimit të dokumentacionit të munguar deri në datën 20.12.2019, duke informuar se, “Albgaz” sh.a ka bërë kërkesë në Z.V.R.P.P. përkatëse, në kuadër të mundësisë të ecjes me ritme më të shpejta në procesin e regjistrimit të aseteve.
- Me qëllim plotësimit të dokumentacionit shoqëria “Albgaz” sh.a, informon ERE-n se ka aplikuar për transferimin e lejes Mjedisore të (Tipi A) pranë Agjencisë Kombëtare të Mjedisit dhe është ende në pritje.

- Dokumentacioni i munguar për t'u plotësuar ne vijim deri në datën 20.12.2019, nga ana e shoqërisë “Albgaz” sh.a është si më poshtë:
 - Pajisja me certifikatë pronësie për:
 - Cërrik, Elbasan me nr. pasurie 12/289;
 - Drenovë, Mallakastër me nr. pasurie 1/6;
 - Balldren, Mallakastër.
 - Pajisja me Lejet dhe Autorizimet Mjedisore;
 - Depozitimi në ERE i një Certifikatë Sigurimi të lëshuar nga shoqëri sigurimi në një nivel përgjegjësie jo më të vogël se 10 mln USD.
- Me Vendimin e Këshillit të Ministrave nr. 848, datë 07.12 2016, ”Për Krijimin e Shoqërisë Albgaz sh.a. dhe për Caktimin e Autoritetit Publik që përfaqëson Shtetin si Pronar të Aksioneve të shoqërisë Albpetrol sh.a dhe Albgaz sh.a”, është vendosur për shkëputjen e njësisë së gazit nga shoqëria “Albpetrol” sh.a. dhe krijimin e shoqërisë “Albgaz” sh.a., me kapital 100 % shtetëror. Sipas Vendimit të Këshillit të Ministrave nr. 848 datë 07.12.2016 “Për Krijimin e Shoqërisë “Albgaz” sh.a dhe përcaktimin e autoritetit publik që përfaqëson shtetin si pronar të aksioneve të shoqërive “Albpetrol” sh.a. dhe “ALBGAZ” sh.a. rezulton se, “ALBGAZ” sh.a. ka në pronësi të gjitha tubacionet dhe asetet .

Për gjithë sa më sipër, Bordi i ERE,

Vendosi:

1. Të miratojë një ndryshim në paragrafin e parë të Vendimit të Bordit të ERE nr. 187, datë 10.11.2017, “Për licencimin e shoqërisë “ALBGAZ” sh.a. në aktivitetin e shpërndarjes së gazit natyror” të ndryshuar si më poshtë:
 - *“Të licencojë shoqërinë “Albgaz” sh.a në veprimtarinë e shpërndarjes së gazit natyror, për një afat 30 vjeçar, me kushtin që brenda datës 20.12.2019, në mbështetje të nenit 24, pika 2 e Ligjit nr. 102/2015, “Për sektorin e gazit natyror”, të plotësojë gjithë dokumentacionin e munguar që ka të bëjë me :*
 - Dokumentacioni që tregon titujt e pronësisë mbi asetet që ka, për të kryer funksionet ose plotësuar detyrimet nën licencën e kërkuar.
 - Lejet dhe autorizimet mjedisore
 - një certifikatë sigurimi nga shoqëri sigurimi (që operojnë në përputhje me legjislacionin në fuqi në Shqipëri) që evidenton mbulimin e përgjegjësisë për dëmtimet për plagosje, sëmundje ose raste të vdekjes së Personave ose për humbjen ose shkatërrimin e pronës të shkaktuara ose që kanë rezultuar prej aktiviteteve të Aplikantit në kuadër të Licensës së kërkuar në një nivel përgjegjësie jo më të vogël se 10 milion USD..”
2. “ALBGAZ” sh.a. të paraqesë në ERE brenda datës 28.03.2019, praktikat dokumentare në lidhje me ecurinë e aplikimeve pranë institucioneve përkatëse, për pajisjen me lejet Mjedisore dhe Certifikatat e Pronësisë.

3. Drejtoria e e Licencimit dhe Monitorimit të Tregut të njoftojë shoqërinë Albgaz sh.a , Ministrinë e Infrastrukturës dhe Energjisë si dhe Sekretariatit e Komunitetit të Energjisë për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 45 ditëve kalendarike nga botimi në Fletoren Zyrtare.

KRYETARI
Petrit AHMETI

NË MUNGESË DHE ME AUTORIZIM
ANËTARE E BORDIT
ERJOLA SADUSHI